



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1842**

IV. Ablassbrief des Kardinals Philipp von Alanconio, Bischofs zu Ostia,  
wegen des heiligen Blutes zu Wilsnack, vom Jahre 1388.

---

---

**Nutzungsbedingungen**

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

in sui corporis Sacramentalis veritate sic dignatus est operari, quod in tribus hostijs per Rectorem dictae Ecclesiae consecratis, et ante incensionem in Ecclesia retentis, et post concremationem dictae Ecclesiae super altare in corporali in parte concremato, octauo die concremationis super altare miraculose inuentis, in qualibet hostia appareat gutta sanguinis manifesti, ac nonnulla alia miracula, quae in eodem loco omnipotens Deus dignatur operari, omnibus et singulis vere poenitentibus et contritis, dictum locum Vuilsnak, et corpus dominicum ibidem cum humilitate et deuotione visitantibus, pro quolibet passagio miliarium, quadraginta dierum Indulgentias in accedendo et recedendo, et quoties coemeterium dictae Ecclesiae circumierint similiter 40 dierum indulgentias, et quotiescumque coram dicto Sacramento corporis et sanguinis, flexis genibus orationes suas ad Deum effuderint, Nos Albertus dictae diuinae miserationis Archiepiscopus, Johannes Lubusensis, Theodoricus et Theodoricus Brandenburgensis et Havelbergenfis Ecclesiarum Episcopi, quilibet nostrum autoritate Omnipotentis Dei 40 dierum indulgentias de iniunctis eis poenitentijs in Domino misericorditer relaxamus. Caeterum vt in die corporis Christi et per Octauas eiusdem festi, Christi fideles ad visitandum dictum locum, et dictum Sacramentum et sanguinem miraculosum deuotius intuendum, stipendijs spiritualibus ad corroborationem fidei Catholicae realiter et amplius incitentur, omnibus vere poenitentibus et contritis dictum locum visitantibus, et ibidem diuina, et praecipue Missam in dicta Ecclesia audientibus, vltra indulgentias, ob speciale priuilegium dictae festiuitatis a sede Apostolica indultas, ac etiam per nos prius, vt praemittitur, concessas, dicta Dei omnipotentis gratia confisi, quadraginta dierum indulgentias de iniunctis poenitentijs misericorditer in Domino relaxamus. Datum Anno domini Millesimo, trecentesimo, octuagesimo quarto, feria tertia post dominicam tertiam in Quadragesima. Oculi mei ad dominum, nostris sub sigillis.

Nach Lüdtke.

#### IV. Ablassbrief des Kardinals Philipp von Alconio, Bischofs zu Ostia, wegen des heiligen Blutes zu Wilsnack, vom Jahre 1388.

Philippus de Alconio miseratione diuina Episcopus Ostiensis, sacrosanctae Romanae Ecclesiae Cardinalis, Apostolicae sedis Legatus, Vniuersi Christi fidelibus praesentes literas inspecturis, Salutem in Domino. Quoniam, vt ait Apostolus, omnes stabimus ante tribunal Christi, recepturi pro vt in corpore gesimus, siue bonum fuerit, siue malum, oportet nos diem messonis extremae, misericordiae operibus praeuenire, et aeternorum intuitu id seminare in terris, quod reddente Domino, cum multiplicato fructu colligere mereamur in caelis, spem firmam fiduciamque tenentes, quoniam qui parce seminat, parce et metet, et qui seminat in benedictionibus, de benedictionibus et metet vitam aeternam. Cum itaque sicut accepimus, parochialis Ecclesia Sancti Nicolai in Vuilsnack Havelbergenfis dioecesis, per nonnullos iniquitatis filios combusta fuerit et ideo sit de nouo reaedificanda, ad cuius reaedificationem non suppetunt ipsius Ecclesiae et parochianorum eiusdem facultates, et sine pijs fidelium Eleemosynis reaedificari non valeat, Nos cupientes, quod Ecclesia ipsa debite reparetur et deuotis honoribus frequentetur, et vt Christi fideles eo libentius causa deuotionis ad ipsam confluant Ecclesiam, et ad huiusmodi reparationem siue nouam reaedificationem manus promptius porrigant adiutrices, quo ex hoc ibidem dono coelestis gratiae vberius conspexerint se refectos, omnibus vere poenitentibus et confessis, qui in Natiuitatis, Circumcisionis, Epiphaniae, Resurrectionis, Ascensionis, corporis Domini nostri Jesu Christi et pentecostes, ac etiam in Natiuitatis Annunciationis, purificationis beatae Mariae virginis, Natiuitatis beati Johannis Bap-

tistae, et Apostolorum Petri et Pauli, ac dedicationis ipsius Ecclesiae festiuitatibus, et in celebritate Omnium Sanctorum, ac per ipsorum Natiuitatis, Epiphaniae, Resurrectionis, Ascensionis et Corporis domini nostri, Natiuitatisque et Assumptionis beatae Mariae, et Natiuitatis sancti Joannis, ac Apostolorum Petri et Pauli, praedictorum festiuitatum octauas, et per sex dies dictum festum pentecostes immediate sequentes, ad dictam Ecclesiam causa deuotionis et peregrinationis accesserint, et ipsam deuote visitauerint, ac ad reparationem seu reaedificationem eiusdem, manus porrexerint adiutrices, omnipotentis Dei misericordia, et beatorum Petri et Pauli praedictorum meritis et intercessione confisi, quadraginta dies de iniunctis eis poenitentijis misericorditer relaxamus. Datum Vuormatiae XVI Calend. April: Anno Domini Millesimo, trecentesimo, octuagesimo octauo, Pontificatus Sanctissimi domini nostri Urbani Papae sexti anno decimo.

Nach Lüdtkf.

V. Ablassbrief des Erzbischofs Albert von Magdeburg wegen eines dem Bischofe von Havelberg geschenkten Theiles vom Arm der heiligen Barbara, vom Jahre 1391.

In nomine Domini, Amen. Albertus Dei gratia sanctae Magdeburgensis Ecclesiae Archiepiscopus, Vniuersis sanctae matris Ecclesiae filijs, Salutem in Domino sempiternam. Cupientes populum domini et fideles quoslibet ad maiorem deuotionem incitare, et cultum diuinum ampliare, hinc est, quod ex speciali deuotione et affectu, Venerabili in Christo patri, et Domino, Domino Johanni Episcopo Ecclesiae Havelbergensis, nostro singulari dilecto dedimus quandam particulam de brachio sanctae Barbarae virginis et Martyris gloriosae, quam ob reuerentiam eiusdem virginis, idem venerabilis pater includi fecit in quodam lapide Crystallino inter manus imaginis collocato, per eundem patrem de auro et argento comparatae et in Wilsnack oblatae. Vnde omnibus vere poenitentibus, confessis et contritis, qui ante ipsam imaginem ob reuerentiam virginis antedictae flexis genibus Deum orauerint, precesque suas obtulerint, aut qui eandem imaginem osculati fuerint, totiens quotiens praemissa seu eorum aliquod fecerint, quadraginta dierum indulgentias in Domino misericorditer concedimus et praesentibus indulgemus. In cuius rei testimonium, praesentes nostras literas nostri sigilli appensione iussimus communiri. Datum Jericho Anno Domini Millesimo, trecentesimo, nonagesimo primo, feria tertia ante Simonis et Iudae Apostolorum.

Nach Lüdtkf.

VI. Ablassbrief des Bischofs Rudolph von Schwerin, wegen des heiligen Blutes zu Wilsnack, vom Jahre 1391.

In nomine Domini, amen. Rudolphus Dei et Apostolicae sedis gratia Swerinenfis Ecclesiae Episcopus, Vniuersis Christi fidelibus, ad quorum noticiam praesentes peruenerint, salutem in Domino sempiternam. Quoniam, vt ait Apostolus, omnes stabimus ante tribunal Christi, recepturi pro vt quisque in corpore gessit, siue bonum, siue malum: Rursum, qui seminant in benedictionibus, de benedictionibus et metent vitam sempiternam, quapropter oportet nos diem messionis extremae, misericordiae operibus praenuenire. Attendentes manifesta et notoria miracula, quae propter violentiam et concremationem in